



Broj: 05/1-27- /12
Tuzla,

Na osnovu člana 24. stav 2. Zakona o cestovnom prijevozu Federacije Bosne i Hercegovine («Sl.novine Federacije Bosne i Hercegovine», broj: 28/06, 2/10) člana 200. Zakona o upravnom postupku («Sl.novine Federacije BiH», broj 2/98 i 48/99), Kantonalni ministar trgovine, turizma i saobraćaja donosi

R J E Š E N J E **o produženju važnosti registrovanih redova vožnje na kantonalnim autobusnim linijama**

1. Redovima vožnje na kantonalnim autobusnim linijama koji su registrovani u Kantonalnom ministarstvu trgovine, turizma i saobraćaja, čija važnost ističe 31.03.2012.godine, **produžava se rok važnosti do 30.09.2012.godine, odnosno do završetka postupka usklađivanja redova vožnje u 2012.godini.**

2. Iz rješenja se izuzimaju redovi vožnje koji su pravosnažnim rješenjem Kantonalnog ministarstva trgovine, turizma i saobraćaja brisani iz registra kantonalnih autobusnih linija.

3. Rješenje će se dostaviti svim prijevoznicima koji imaju registrovane kantonalne autobusne linije i Kantonalnoj upravi za inspeksijske poslove Tuzlanskog kantona.

4. Rješenje stupa na snagu danom donošenja.

O b r a z l o ž e n j e

Na osnovu člana 24. Zakona o cestovnom prijevozu Federacije Bosne i Hercegovine («Službene novine Federacije BiH», broj 28/06,2/10), redovi vožnje na kantonalnim linijama registruju se nakon obavljenog usklađivanja sa rokom važenja od najmanje tri godine i važe do utvrđivanja novog registra redova vožnje kod Ministarstva trgovine, turizma i saobraćaja Tuzlanskog kantona. Posljednje usklađivanje redova vožnje na kantonalnim autobusnim linijama je obavljeno je 2006.godine.

U skladu sa članom 25. stav 2. Zakona o cestovnom prijevozu Federacije Bosne i Hercegovine («Službene novine Federacije BiH», broj 28/06, 2/10), člana 200. Zakona o upravnom postupku («Službene novine Federacije BiH», broj 2/98 i 48/99), Kantonalno Ministarstvo trgovine, turizma i saobraćaja je donijelo Rješenje o produženju važnosti registrovanih kantonalnih redova vožnje. Rješenjem se svi redovi vožnje na kantonalnim autobusnim linijama koji su registrovani u Kantonalnom ministarstvu trgovine, turizma i saobraćaja, čija važnost ističe 31.03.2012.godine, **produžava rok važnosti do 30.09.2012.godine, donosno do završetka postupka usklađivanja redova vožnje.**

Razlog dosadašnjih produžavanja kantonalnih redova vožnje je kontinuirano praćenje politike usklađivanja federalnih linija, kao i objava Rješenja Federalnog ministarstva prometa i komunikacija o produženju važnosti registrovanih federalnih autobusnih linija čija važnost ističe 31.03.2012.godine, do kada su bili produženi i kantonalni redovi vožnje.

Obzirom, da su nastupile velike promjene tržišnog poslovanja od 2006.godine, te da je došlo i do izmještanja prigradske autobuske stanice „Pinge“ na dvije nove lokacije u Tuzli i da su se vremena kretanja autobusa sa autobuskih stanica u Tuzli pomjerila za 15 minuta na svim starim redovima vožnje, potrebno je novo usklađivanje da se vremena polazaka i dolazaka ponovo usklade u interesi putnika i prijevoznika Tuzlanskog kantona.

Zbog svega navedenog odlučeno kao u dispizitivu ovog rješenja.

Pouka o pravnom lijeku: Protiv ovog Rješenja može se izjaviti Žalba Federalnom ministarstvu prometa i komunikacija u roku od 15 dana od dana prijema Rješenja. Žalba se predaje pismeno sa uplatom administrativne takse u iznosu od 10,00 KM na žiro račun broj:1321000256000080, Vrsta prihoda:722121 u skladu sa Zakonom o izmjenama i dopunama zakona o kantonalnim administrativnim taksama i tarifi kantonalnih administrativnih taksi («Sl.novine TK-a», broj 12/97,14/02).

Dostavljeno :

1xSvim prijevoznicima TK-a
1xKantonalna uprava za inspekcijske poslove,
1xEvidencija,
1xa/a

M I N I S T A R

Aziz Čačković,dipl.pravnik